



Қ А Р О Р И

2020 йил 19 август

№ 70/10

Халқ депутатлари Булунғур тумани Кенгашининг “Саховат ва кўмак” жамғармасига тушган маблағларни сарфлаш тўғрисида

Мамлакатимизда коронавирус инфекцияси тарқалишига қарши курашиш ва бошқа глобал хавф-хатарлар даврида халқимизнинг тарихий ва маънавий қадриятларини, меҳр-саховат, оқибат ва ҳиммат каби юксак фазилатларини инобатга олган ҳолда, аҳолини самарали ижтимоий қўллаб-қувватлаш юзасидан самарали ишлар олиб борилмоқда.

Ўзбекистон Республикаси Вазирлар Маҳкамасининг 2020 йил 22 апрелдаги “Маҳалла” фонди республика бошқаруви, фонднинг Қорақалпоғистон Республикаси, вилоятлар ва Тошкент шаҳар бўлимлари, туман ва шаҳар бўлинмалари ҳузурида юридик шахс ташкил этмаган ҳолда “Саховат ва кўмак” жамғармаси ташкил этиш тўғрисидаги 213-ф-сонли фармойиши қабул қилиниб, Жамғарма маблағларини сарфлаш, тасарруф этиш Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар, туман (шаҳар) кенгашларининг қарорлари асосида амалга оширилиши кўрсатилган.

Жамғарма маблағлари коронавирус пандемияси ва карантин даврида ижтимоий ҳимояга муҳтож, кўп фарзандли оилаларга, ногиронлиги бўлган шахсларга ва ёлғиз қарияларга, ўз даромадини йўқотган вақтинча ишсиз бўлган шахсларга пул маблағлари, истеъмол товарлари, дори воситалари ва бошқа маҳсулотлар билан таъминлаш учун ишлатилиши белгиланган.

Тумандаги сектор раҳбарлари тегишли маҳалла фуқаролар йиғинлари билан биргаликда оилаларни, фуқароларни моддий аҳволини ўрганиб ҳафталик ёрдам кўрсатиладиган эҳтиёжманд оилалар рўйхати ва уларга берилиши керак бўладиган маблағлар, кундалик истеъмол товарлари, дори воситалари ва бошқа маҳсулотлар ҳажмини шакллантирилиб йиғилган маълумотлар халқ депутатлари маҳаллий кенгашларига киритилиши кўрсатилиб ўтилган.

Юқоридагиларга кўра, “Саховат ва кўмак” жамғармаси маблағларини мақсадли ва манзилли сарфлаш мақсадида Ўзбекистон Республикаси “Маҳаллий давлат ҳокимияти тўғрисидаги” Қонунининг 24-моддасига асосан халқ депутатлари туман Кенгаши

ҚАРОР ҚИЛАДИ:

1. Булунғур тумани ҳокимининг ўринюосари, Маҳалла ва оилани қўллаб-қувватлаш бўлими бошлиғи А.Хазраткуловнинг эҳтиёжманд, кўмакка муҳтож оилаларга “Саховат ва кўмак” жамғармаси ҳисобидан маблағ ажратиш тўғрисидаги ахбороти маълумот учун қабул қилинсин.

2. “Саховат ва кўмак” жамғармаси ҳисобидан 7 та эҳтиёжманд, кўмакка муҳтож оилалар рўйхати 1-иловага мувофиқ тасдиқлансин.

3. Туман ҳокимининг ўринбосари (Д.Шакарбоев, А.Хазраткулов) коронавирус эпидемиясига қарши карантин даврида муҳтож фуқароларни қўллаб-қувватлаш учун ташкил этилган “Саховат ва кўмак” туман жамғармасидан:

-жамғарма ҳисобидан 7 та эҳтиёжманд, кўмакка муҳтож оилаларга озиқ-овқат маҳсулотлари билан таъминлаш учун 7 000 000 (етти миллион) сўм маблағни ўтказиш ҳамда маблағлардан мақсадли фойдаланишини назорат қилиш вазифаси топширилсин.

4. Ушбу қарорнинг ижро этилишини назорат қилиш Халқ депутатлари туман Кенгашининг Ижтимоий-маданий соҳани ривожлантириш, оила, хотин-қизлар ва ёшлар масалалари бўйича доимий комиссияси раиси (З.Аликулова) ҳамда туман ҳокимининг ўринбосарлари (Д.Шакарбоев, А.Хазраткулов)лар зиммасига юклатилсин.

Туман Кенгаши раиси

 Б.Бахрамов